

OPĆI PLAN BORBE PROTIV KORUPCIJE

Korupcija predstavlja ozbiljan problem širom svijeta. Bosna i Hercegovina nije izuzetak. Brojni pokazatelji ukazuju da je Bosna i Hercegovina snažno opterećena problemom korupcije, na što posebno upozorava Evropska Komisija. Tako se u Izvještaju o napretku u 2011. godini navodi da su preduzeti veoma ograničeni koraci u provedbi Strategije borbe protiv korupcije i Akcionog plana za borbu protiv korupcije (2009-2014), te da je uspostavljen pravni okvir za oslovljavanje problema, no da je politička volja za rješavanje pitanja i poboljšanje institucionalnih kapaciteta i dalje slaba.

Kako bi se stvari unaprijedile, Vlada Federacije Bosne i Hercegovine je odlučila da donese strateški okvir za suprotstavljanje korupciji u formi Općeg plana borbe protiv korupcije, kojim će se u ovom entitetu uspostaviti osnova za sistematsko i sveobuhvatno djelovanje protiv ove disfunkcionalne pojave. Izradi plana je prethodila metodična analiza o fenomenologiji korupcije i mjerâ na njezinom suzbijanju, te stručna i nezavisna procjena institucionalnih kapaciteta Vlade Federacije Bosne i Hercegovine i njezinih institucija za učinkovitu prevenciju i suprotstavljanje korupciji. Vrijedno je napomenuti da je Plan izrađen u skladu sa Uredbom o načinu pripreme, procjeni uticaja i odabiru politike u postupku izrade akata koje predlažu i donose Vlada Federacije Bosne i Hercegovine i federalna ministarstva, zatim poštujući standarde savremenog strateškog planiranja- tzv. SMART principe kreiranja strateških ciljeva (specifičnost, mjerljivost, provedivost, realističnost i vremenska određenost aktivnosti), te naročito razmatrajući obaveze koje za Federaciju Bosne i Hercegovine proizlaze iz Strategije borbe protiv korupcije (2009. - 2014.) Bosne i Hercegovine i čl. 22. Zakona o Agenciji za prevenciju korupcije i koordinaciju borbe protiv korupcije.

Općim planom borbe protiv korupcije uspostavljaju se mehanizmi za sprečavanje korupcije putem izrade i sprovođenja niza sveobuhvatno razrađenih aktivnosti koje su zasnovane na analizi postojećeg stanja u praksi, čime se, između ostalog, ispunjava jedna od obaveza iz čl. 23. Zakona o Agenciji za prevenciju korupcije i koordinaciju borbe protiv korupcije. Očekivati je da će se ovakvim pristupom, nakon dužeg vremenskog perioda kašnjenja u ispunjavanju strateških obaveza, pokrenuti značajnije aktivnosti koje, između ostalog, trebaju doprinijeti i boljoj saradnji između institucija vlasti u Federaciji Bosne i Hercegovine i državne Agencije za prevenciju korupcije i koordinaciju borbe protiv korupcije, kako bi se sinergijom javnih politika smanjio prostor za javljanje korupcije.

Opći plan borbe protiv korupcije odnosi se na period 2012.-2014. godina i sastoji se od 5 komponenti, koje, između ostalog, zagovaraju i Ujedinjene Nacije. One se tiču normativnog okvira, aktivnosti koje treba implementirati javni sektor, aktivnosti pravosudnih i organa za provođenje zakona, učešća društva u suprotstavljanju korupciji, te monitoringa nad provedbom Plana. Jasno je da se neke komponente podudaraju, no ovakav je koncept ipak dovoljno precizan da osigura smislen i koherentan okvir djelovanja. Ukupni cilj Plana je smanjenje korupcije putem kvalitetnijeg normativnog okvira, efikasnije uprave i osnaživanja civilnog sektora.

Donošenjem Općeg plana borbe protiv korupcije, Vlada Federacije Bosne i Hercegovine pokazuje odlučnost da nastavi aktivnosti na odgovornijoj i efikasnijoj vladi i evropskim standardima.

R. br.	Aktivnost	Rok	Institucija	Pokazatelj implementacije
UNAPRIJEDITI NORMATIVNI OKVIR ZA SUPROTSTAVLJANJE KORUPCIJI				
1.	U skladu sa ciljevima i mjerama u ovom i državnom Akcijskom planu za provođenje Strategije za borbu protiv korupcije (2009. – 2014.) pripremiti plan djelovanja protiv korupcije.	6 mjeseci po usvajanju Općeg plana za borbu protiv korupcije Federacije Bosne i Hercegovine	Institucije Federacije Bosne i Hercegovine	Institucije Federacije Bosne i Hercegovine imaju donesene vlastite planove djelovanja protiv korupcije koji sadrže jasne projekcije troškova, organizacione kapacitete, ljudske potencijale, procedure nadgledanja i ocjene provedbe u skladu sa Uredbom o načinu pripreme, procjeni uticaja i odabiru politike u postupku izrade akata koje predlažu i donose Vlada FBiH i federalna ministarstva; Planovi se dostavljaju imenovanoj upravnoj strukturi u FBiH nadležnoj za provedbu državne strategije i akcionog plana, sprečavanje korupcije i koordinaciju politika sa Agencijom za prevenciju korupcije i koordinaciju borbe protiv korupcije (u nastavku: Tijelo za monitoring i koordinaciju provođenje akcionog plana)
2.	Analizirati provedbu Zakona o slobodi pristupa informacijama, te na osnovu analize, a pogotovo identifikacije slabih tačaka, ustanoviti smjernice za primjenu ovog zakona i izvršiti neophodnu obuku osoblja.	Decembar 2012. godine	Institucije Federacije Bosne i Hercegovine u saradnji sa Agencijom za prevenciju korupcije i koordinaciju borbe protiv korupcije	Izveštaji se godišnje izrađuju i dostavljaju Tijelu za monitoring i koordinaciju provođenja akcionog plana i Agenciji za prevenciju korupcije i koordinaciju borbe protiv korupcije; Ustanovljene smjernice za primjenu Zakona o slobodi pristupa informacijama; U svim ministarstvima izvršena obuka osoblja koje bi trebalo raditi po ovim pitanjima
3.	Ustanoviti jasne kriterije i smjernice za izradu Budžeta Federacije Bosne i Hercegovine.	Decembar 2012. godine	Vlada Federacije Bosne i Hercegovine, naročito Federalno ministarstvo finansija	Smjernice i kriteriji za izradu Budžeta FBiH, odnosno pojedinih ministarstava donešene i distribuirane korisnicima;
4.	Uspostaviti normativne okvire i izgraditi institucionalne kapacitete za efikasnu primjenu instituta oduzimanja imovinske koristi pribavljene korupcijskim krivičnim djelima i prekršajima u Federaciji BiH.	Decembar 2013. godine	Vlada Federacije Bosne i Hercegovine, naročito Federalno ministarstvo pravde i Federalno ministarstvo finansija; Agencija za državnu službu FBiH	Usvojen prijedlog zakona o oduzimanju imovinske koristi pribavljene krivičnim djelom i prekršajem Federacije Bosne i Hercegovine; Usvojeni neophodni podzakonski akti po donošenju navedenog zakona; Osnovana posebna upravna organizacija u Federaciji BiH nadležna za upravljanje privremeno oduzetom i oduzetom imovinom;

R. br.	Aktivnost	Rok	Institucija	Pokazatelj implementacije
5.	Inicirati donošenje zakona o zaštiti <i>bona fide</i> prijavitelja korupcije.	Juli 2013. godine	Vlada Federacije BiH; Ured Vlade FBiH za zakonodavstvo i usklađenost sa propisima Evropske unije; Generalni sekretarijat Vlade Federacije Bosne i Hercegovine	Izvršene potrebne konsultacije sa stručnom javnošću u pravcu izrade posebnog zakona kojim bi se osigurala zaštita osoba koje <i>bona fide</i> prijavljuju korupciju, te imenovana odgovarajuće tijelo za izradu prijedloga zakona; Izrađen prijedlog posebnog zakona kojim bi se osigurala zaštita osoba koje <i>bona fide</i> prijavljuju korupciju i upućen u parlamentarnu proceduru; Izvršiti potrebne analize relevantnih podzakonskih akata kako bi se po donošenju zakona o zaštiti <i>bona fide</i> prijavitelja korupcije isti u najkraćem roku mogli izmijeniti i dopuniti
6.	Analizirati i, po potrebi, precizirati zakonska rješenja u oblasti nadzora nad utroškom tekućih sredstava po projektima unutar tekućih transfera	Decembar 2012. godine	Vlada Federacije BiH, naročito Federalno ministarstvo pravde i Federalno ministarstvo finansija; Ured Vlade FBiH za zakonodavstvo i usklađenost sa propisima Evropske unije; Generalni sekretarijat Vlade Federacije Bosne i Hercegovine	Izvršena analiza o potrebi preciziranja zakonskih rješenja u oblasti nadzora nad utroškom tekućih sredstava po projektima unutar tekućih transfera; Ovisno o rezultatima analize, preduzete aktivnosti na izmjeni odgovarajućih zakonskih rješenja
7.	Donijeti procedure u oblasti borbe protiv korupcije i srodnim oblastima (naročito pravilnike o internoj kontroli i reviziji), i to u skladu sa odgovarajućim propisima iz odnosne oblasti, te uskladiti već postojeće sa propisima višeg reda.	Juli 2013. godine	Institucije Federacije Bosne i Hercegovine, posebno Mnistarstvo finansija; Generalni sekretarijat Vlade Federacije Bosne i Hercegovine	Izvršena analiza o potrebi donošenja ili usklađivanja internih akata iz oblasti borbe protiv korupcije; Izvršeno kreiranje novih i usklađivanje postojećih propisa tamo gdje je to analiza pokazala nužnim (npr. Pravilnici o unutrašnjoj organizaciji, Pravilnici o disciplinskoj i materijalnoj odgovornosti, Pravilnici o internoj kontroli i reviziji, Etički kodeksi i dr.); Procedure evidentirane u centraliziranoj bazi upravnih postupaka u skladu sa Odlukom o uspostavi elektronskog registra upravnih postupaka na nivou Federacije BiH;

R. br.	Aktivnost	Rok	Institucija	Pokazatelj implementacije
8.	Analizirati i, po potrebi, izmijeniti interne akte u oblasti tekućih izdataka (putni troškovi, reprezentacije, telefonski troškovi, i sl.) na način da se osigura njihova konzistentnost sa propisima višeg reda.	Decembar 2012. godine	Institucije Federacije Bosne i Hercegovine	Izvršena analiza o potrebi donošenja ili usklađivanja internih akata iz oblasti materijalnih izdataka uposlenicima; Izvršeno kreiranje novih i usklađivanje postojećih propisa tamo gdje je to analiza pokazala nužnim;
9.	Analizirati i, po potrebi, izmijeniti pravilnike o unutrašnjoj organizaciji i sistematizaciji radnih mjesta na način da odražavaju stvarne potrebe institucija Federacije Bosne i Hercegovine	Januar 2013. godine	Institucije Federacije Bosne i Hercegovine, naročito Federalno ministarstvo pravde	Izvršena analiza pravilnika o unutrašnjoj organizaciji i sistematizaciji radnih mjesta u pogledu stvarnih potreba; Izvršene izmjene tamo gdje je to ocijenjeno potrebnim
10.	Analizirati, i po potrebi, izmijeniti odredbe u vezi sa procedurama agencija za provedbu zakona s ciljem prevencije zloupotrebe ovlaštenja od strane osoblja tih agencija.	Decembar 2012. godine	Pravosudni organi na nivou Federacije Bosne i Hercegovine i Federalno ministarstvo unutrašnjih poslova, u saradnji sa Agencijom za prevenciju korupcije i koordinaciju borbe protiv korupcije	Izvršena analiza relevantnih procedura (pravilnici, kodeksi i dr.), te usvojene njihove izmjene i dopune s ciljem smanjenja mogućnosti koruptivnog ponašanja od strane uposlenika agencija za provedbu zakona.
11.	Ustanoviti mehanizme procjene integriteta, profesionalizma i etike uposlenih, koji naročito podrazumijevaju uzimanje u obzir revizorskih nalaza prilikom ocjenjivanja rada imenovanih zvaničnika, te državnih službenika i namještenika.	Decembar 2013. godine	Vlada Federacije Bosne i Hercegovine, i Institucije Federacije Bosne i Hercegovine	Metodologija procjene integriteta, profesionalizma i etike uposlenih razvijena; Sva ministarstva preduzela prvu godišnju procjenu na osnovu usvojene metodologije
12.	Analizirati i, po potrebi, inicirati donošenje izmjena i dopuna propisa koji uređuju oblast zapošljavanja, ocjenjivanja rada i napredovanja u državnoj službi u Federaciji Bosne i Hercegovine, s ciljem smanjenja diskrecije, povećanja transparentnosti i osiguranja jednakosti svih građana u postupcima prijema i rada u državnoj službi.	Juni 2013. godine	Institucije Federacije Bosne i Hercegovine, posebno Ministarstvo pravde i Agencija za državnu službu FBiH	Izvršena analiza sa ciljem utvrđivanja slabosti u postojećim propisima i procedurama koje omogućavaju diskreciju i favoriziranje po različitim osnovama prilikom zapošljavanja, ocjenjivanja rada i napredovanja u državnoj službi; Vlada Federacije Bosne i Hercegovine usvojila analizu i putem resornog ministarstva uputila inicijativu za izmjene i dopune propisa za koje je utvrđeno da sadrže preveliku diskreciju u donošenju odluka o zapošljavanju, ocjenjivanju rada i napredovanju u državnoj službi; Uvedena obaveza propisivanja instituta oglasa i konkursa za zapošljavanje u javnim preduzećima

R. br.	Aktivnost	Rok	Institucija	Pokazatelj implementacije
13.	Osigurati veći stupanj obaveze postupanja po izvještajima i preporukama koje nemaju izričit nalagodavni karakter (revizora, i sl.)	Decembar 2013. godine	Institucije Federacije Bosne i Hercegovine	Analiziran normativni okvir i, po potrebi, inicirana njegova izmjena kojim se uređuje značaj i dejstvo izvještaja i preporuka revizora i sličnih institucija.
14.	Analizirati i, po potrebi, inicirati donošenje izmjena i dopuna propisa koji uređuju oblast javnih nabavki s ciljem otklanjanja nedostataka u tim propisima koji omogućavaju koruptivno djelovanje.	Juni 2013. godine	Vlada Federacije Bosne i Hercegovine	Izvršena analiza normativnog okvira, kao i postojećeg stanja u primjeni postojećih propisa; Identificirani problemi i nedostaci koji se trebaju otkloniti s ciljem smanjenja korupcije u postupcima javnih nabavki; Usvojeni prijedlozi izmjena i dopuna propisa za koje je utvrđeno da stvaraju prostor za koruptivne prakse u postupcima javnih nabavki;
15.	Ustanoviti obavezu javnog objavljivanja ugovora o javnoj nabavci za sve budžetske korisnike na razini Federacije Bosne i Hercegovine, kao i eventualnih naknadnih aneksa ugovora.	Decembar 2012. godine	Vlada Federacije BiH	Odgovarajućim aktom ustanovljena obaveza javnog objavljivanja ugovora o javnoj nabavci i naknadnih aneksa, obavezujuća za sve budžetske korisnike na razini FBiH
16.	Predložiti/podržati izmjenu propisa koje uređuju primjenu predistražnih i istražnih radnji u krivičnom postupku, a imaju veze sa uspješnim procesuiranjem korupcijskih krivičnih djela.	Decembar 2012. godine	Pravosudni organi na nivou Federacije Bosne i Hercegovine; Federalna uprava policije; Federalno ministarstvo pravde u saradnji sa Visokim sudskim i tužilačkim vijećem	Izvršena analiza propisa koji uređuju primjenu predistražnih i istražnih radnji u krivičnom postupku, a imaju veze sa uspješnim procesuiranjem korupcijskih krivičnih djela; Na temelju prethodne analize, predložene izmjene normativnog okvira;
USTANOVITI/INTENZIVIRATI AKTIVNOSTI NA SPRJEČAVANJU KORUPCIJE U JAVNOM SEKTORU				
17.	Razviti kapacitete u svrhu izvršavanja planova djelovanja protiv korupcije.	9 mjeseci po usvajanju Općeg plana borbeprotiv korupcije Vlade Federacije Bosne i Hercegovine	Institucije Federacije Bosne i Hercegovine	Svaka institucija Federacije Bosne i Hercegovine je usvojila svoj provedbeni plan ispunjavanja obaveza iz Općeg plana borbe protiv korupcije Vlade Federacije Bosne i Hercegovine; Svaka institucija Federacije Bosne i Hercegovine je nominirala barem jednu osobu (isključujući članove Tijela za monitoring i koordinaciju provođenja akcionog plana, a koje se formira ovim planom) odgovornu za provedbu, praćenje i pregled planova djelovanja protiv korupcije, sa precizno pravno uređenim djelokrugom i ovlastima;

R. br.	Aktivnost	Rok	Institucija	Pokazatelj implementacije
18.	Adekvatno kapacitirati resurse za internu kontrolu i reviziju, te izvršiti potrebnu obuku.	Juli 2013. godine	Institucije Federacije Bosne i Hercegovine, posebno Federalno ministarstvo finansija	Izvršena adekvatna kapacitacija za internu kontrolu i reviziju u institucijama Federacije Bosne i Hercegovine; Izvršena obuka kadrova
19.	Kadrovski i materijalno osposobiti Centralnu harmonizacijsku jedinicu	Decembar 2012. godine	Vlada Federacije Bosne i Hercegovine, a naročito Federalno ministarstvo finansija	Centralna harmonizacijska jedinica kadrovski i materijalno osposobljena za rad
20.	Nastaviti modernizaciju javne uprave kroz uvođenje modela e-vlade i donošenje propisa e-upravljanja, te naročito u tom smislu planirati i osigurati adekvatna budžetska sredstva i koordinirati ove aktivnosti u skladu sa provođenjem Revidiranog akcionog plana za reformu javne uprave u BiH.	Kontinuirano	Institucije Federacije Bosne i Hercegovine u saradnji sa Uredom koordinatora za reformu javne uprave u BiH, a naročito Generalni sekretarijat Vlade Federacije Bosne i Hercegovine	Izrađeni dokumenti koji iniciraju i uređuju mjere modernizacije u upravi putem informatizacije; Usvojeni propisi za zaštitu elektronskih dokumenata; Modernizacija provedena u zadovoljavajućem obimu;
21.	Analizirati potrebe inspeksijskih organa i, po potrebi, unaprijediti normativni okvir, te ih materijalno i kadrovski ojačati kako bi se intenzivirao njihov rad.	Kontinuirano	Svi inspeksijski organi na razini Federacije Bosne i Hercegovine Upravna inspekcija	Izvršena analiza potreba inspeksijskih organa, te, u skladu sa nalazima iz analize, unaprijeđen normativni okvir i izvršeno njihovo materijalno i kadrovsko jačanje; Unaprijeđene procedure i mehanizmi elektronskog evidentiranja rada inspekcija („e-inspektor“), te razvijene analize rizika od koruptivnih praksi unutar inspeksijskih organa; Unaprijeđen okvir za zaštitu rada inspekcija od uticaja, napada i drugih faktora koji onemogućavaju njihovo efikasno djelovanje;
22.	Ustanoviti programe obuke za borbu protiv korupcije, koji, između ostalog, podrazumijevaju da se za rukovodeće državne službenike i šefove unutrašnjih jedinica godišnje održavaju barem dva predavanja o borbi protiv korupcije	Kontinuirano	Institucije Federacije Bosne i Hercegovine, naročito Agencija za državnu službu FBiH;	Smjernice obuke ustanovljene; Uvedena praksa obuke javnih službenika za borbu protiv korupcije; Najmanje 200 rukovodnih državnih službenika i šefova unutrašnjih jedinica uspješno pohađalo odgovarajuću obuku
23.	Uvesti sistem za pregled i upravljanje rizicima unutar pojedinačnih oblasti, čime se identificiraju oblasti u kojima postoji određen rizik od korupcije.	Jednu godinu po okončanju odnosnih aktivnosti od strane Agencije za prevenciju korupcije i koordinaciju borbe protiv korupcije	Institucije Federacije Bosne i Hercegovine u saradnji sa Agencijom za prevenciju korupcije i koordinaciju borbe protiv korupcije	Metodologija je razvijena; Sistem procjene rizika od korupcije je funkcionalan;

R. br.	Aktivnost	Rok	Institucija	Pokazatelj implementacije
24.	Ustanoviti jasne i precizne kriterije za dodjelu sredstava po projektima unutar tekućih transfera, te povećati transparentnost u izvještavanju o okončanju istih.	Juli 2013. godine	Institucije Federacije Bosne i Hercegovine	<p>Temeljito revidirana praksa dodjeljivanja budžetskih transfera po svim osnovama, s ciljem identifikacije slabih tačaka u procedurama koje omogućavaju koruptivno djelovanje;</p> <p>Uvedena praksa preciznog određivanja kriterija za dodjeljivanje sredstava iz budžetskih transfera koja se temelji na „cost benefit“ (analiza učinka) ekonomskim parametrima;</p> <p>Uvedena/nastavljena praksa javnog objavljivanja rezultata konkursa;</p> <p>Na nivou svih ministarstava uvedena praksa uvida u dokumentaciju i načina bodovanja aplikanata od strane legitimno zainteresiranih subjekata;</p>
25.	Intenzivirati nadzor nad utroškom sredstava po projektima unutar tekućih transfera, naročito uvidom u odgovarajuću dokumentaciju i provjerama utroška sredstava na terenu.	Kontinuirano	Institucije Federacije Bosne i Hercegovine	<p>Uvedena/nastavljena praksa nadzora nad utroškom sredstava po projektima unutar tekućih transfera, naročito studioznijim uvidom u odgovarajuću dokumentaciju i provođenjem blagovremenih i efikasnih kontrola na terenu;</p> <p>Uvedena/nastavljena praksa obaveze javnog obavještanja o konačnim učincima korištenja tih sredstava za strateške interese Federacije BiH;</p>
26.	Uspostaviti posebne mehanizme komuniciranja sa građanima u cilju anonimne ocjene kvalitete usluga koji uključuju, ali se ne ograničavaju na otvorene komunikacijske kanale u cilju davanja poticaja klijentima ili državnim službenicima i namještenicima da izvjest o korupciji.	Januar 2013. godine	Institucije Federacije Bosne i Hercegovine	<p>Uspostavljeni mehanizmi komuniciranja sa građanima u cilju anonimne ocjene kvalitete usluga koji naročito uključuju jedan ili više komunikacijskih kanala za prijavu korupcije, poput zapečaćenih sandučića za poštu, posebnih telefonskih linija, određene i javno oglasene e-mail adrese, itd;</p> <p>Redovno održavane evidencija o broju i strukturi ostvarenih kontakata sa građanima, te činjenje istih dostupnim javnosti;</p>

R. br.	Aktivnost	Rok	Institucija	Pokazatelj implementacije
27.	Izraditi edukativne/promotivne materijale o uzrocima, pojavnim oblicima i posljedicama korupcije, te naročito o mehanizmima prijavljivanja koruptivnog ponašanja od strane javnih službenika.	Kontinuirano	Institucije Federacije Bosne i Hercegovine	Broj izrađenih edukativnih/promotivnih materijala; Broj održanih sastanaka, kolegija, i sl. o uzrocima, pojavnim oblicima i posljedicama korupcije, te naročito o mehanizmima prijavljivanja koruptivnog ponašanja od strane javnih službenika.
28.	Pokrenuti inicijativu standardizacije postupanja (naročito ISO standardi) u javnom sektoru	Mart 2013. godine	Vlada Federacije Bosne i Hercegovine; Generalni sekretarijat Vlade Federacije Bosne i Hercegovine	Broj održanih sastanaka na kojima je bilo govora o procesu standardizacije postupanja u javnom sektoru; Broj upućenih dopisa povodom pokretanja inicijative standardizacije postupanja u javnom sektoru
29.	Konsultirati i, po potrebi, implementirati preporuke Agencije za javne nabavke i Ureda za reviziju institucija u Federaciji Bosne i Hercegovine iz njihovih godišnjih izvještaja u oblasti javnih nabavki	Juli 2013. godine	Institucije Federacije Bosne i Hercegovine	Izvršen uvid u preporuke iz oblasti javnih nabavki relevantnih institucija; Barem 3/4 preporuka implementirano
OSNAŽITI UČEŠĆE CIVILNOG SEKTORA U SUPROTSTAVLJANJU KORUPCIJI				
30.	Procijeniti potrebe za programima obuke za borbu protiv korupcije u osnovnim i srednjim školama i univerzitetima.	Decembar 2012. godine	Federalno ministarstvo obrazovanja u saradnji sa Agencijom za prevenciju korupcije i koordinaciju borbe protiv korupcije, javni univerziteti i škole na Federacije Bosne i Hercegovine	Provedena je procjena potreba za obukom za borbu protiv korupcije u osnovnim i srednjim školama i na univerzitetima; Na osnovu procjene, inicirano uvođenje programa obuke za borbu protiv korupcije u osnovno-, srednjo- i visoko- školskim ustanovama
31.	Unaprijediti odnose s javnošću u smislu pravovremenih i kvalitetnih informacija iz domena rada javnih institucija.	Kontinuirano	Uredi za odnose sa javnošću svih institucija Federacije Bosne i Hercegovine; Profesionalna udruženja novinara, kao i pojedinačne medijske kuće; Ured Vlade Federacije za odnose s javnošću	Preispitan i unaprijeđen model komunikacije sa javnošću; Svi akteri pokazuju veći stupanj zadovoljstva komunikacijom javnosti sa organima vlasti

R. br.	Aktivnost	Rok	Institucija	Pokazatelj implementacije
32.	Organizirati kontinuiranu javnu kampanju za vrijeme implementacije ovog Plana o uzrocima, pojavnim oblicima i posljedicama korupcije u koju su uključene sve institucije vlasti	Kontinuirano	Institucije Federacije Bosne i Hercegovine; Nevladin sektor; Ured Vlade Federacije za odnose s javnošću;	Javna kampanja osmišljena; Broj radio i tv emisija putem kojih je promovirana svrha i instrumenti Općeg plana borbe protiv korupcije Vlade Federacije Bosne i Hercegovine; Broj distribuiranih promotivnih materijala (brošura, letaka, i sl.) u svrhu promocije Općeg plana borbe protiv korupcije Vlade Federacije Bosne i Hercegovine; Broj održanih sastanaka i radionica, te struktura učesnika u istim, kojima se promovira Opći plan borbe protiv korupcije; Broj oglasa na web stranicama kojima se zagovara svrha i instrumenti Općeg plana borbe protiv korupcije
INTENZIVIRATI AKTIVNOSTI PRAVOSUDNIH I ORGANA ZA PROVEDBU ZAKONA U OBLASTI BORBE PROTIV KORUPCIJE				
33.	Analizirati primjenu predistražnih i istražnih (naročito posebnih) radnji za korupcijska krivična djela, te na temelju analize izraditi i implementirati preporuke za njihovu uspješniju primjenu.	Juli 2013. godine	Pravosudni organi na nivou Federacije Bosne i Hercegovine; Federalna uprava policije	Izvršena analiza uspješnosti primjene predistražnih i istražnih radnji za korupcijska krivična djela i izrađene preporuke; Barem 1/2 preporuka implementirano;
34.	Unaprijediti osposobljenost pravosudnih i organa za provedbu zakona na razini Federacije Bosne i Hercegovine za borbu protiv korupcije kroz kroz adekvatno finansiranje i opremanje	Decembar 2013. godine	Pravosudni organi na nivou Federacije Bosne i Hercegovine; Federalna uprava policije; Porezna uprava Federacije Bosne i Hercegovine	Izvršena analiza osposobljenosti i, po potrebi, upućeni elaborirani zahtjevi, koji se temelje na analizi iz ove i prethodne tačke Plana, za dodatno finansiranje i opremanje

R. br.	Aktivnost	Rok	Institucija	Pokazatelj implementacije
35.	Inicirati/Uvesti specijalizirane obuke za djelatnike pravosudnih i policijskih organa uključene u borbu protiv korupcije u oblasti istraživanja korupcije i oduzimanja nezakonito stečene imovine.	Juli 2014. godine	Pravosudni organi na nivou Federacije Bosne i Hercegovine; Federalna uprava policije; Centar za edukaciju sudija i tužilaca FBiH	Uvedeni su specijalizirani kursevi i drugi oblici obuke (naročito uzimajući u obzir preporuke iz aktivnosti br. 33) za policijske službenike i djelatnike u pravosuđu u oblasti istraživanja korupcije i oduzimanja nelegalno stečene imovine; Kurseve pohađalo barem 60 % djelatnika koji obavljaju poslove i zadatke iz oblasti istraživanja korupcije i oduzimanja nelegalno stečene imovine;
36.	Unaprijediti saradnju organa koji vrše kontrolu i reviziju rada institucija Federacije BiH sa pravosudnim i organima za provedbu zakona u cilju povećanja efikasnosti u otkrivanju i dokazivanju korupcijskih kažnjivih ponašanja	Decembar 2012.godine	Federalna uprava policije; Finansijska policija FBiH; Federalna uprava za inspeksijske poslove; Ured za reviziju institucija u FBiH; Pravosudni organi na nivou Federacije Bosne i Hercegovine; Porezna uprava Federacije Bosne i Hercegovine	Održavanje redovnih sastanaka i konsultacija po pitanju usklađivanja rada u ovoj oblasti; Uvedeni jedinstveni indikatori procjene objavljenih izvještaja o radu javnih institucija u FBiH na osnovu kojih se mogu identificirati koruptivne prakse; Povećan broj predistražnih i istražnih radnji i slučajeva otkrivanja i procesuiranja korupcijskih krivičnih djela i prekršaja na osnovu informacija iz javnih izvještaja o radu institucija vlasti Federacije Bosne i Hercegovine;
USPOSTAVITI MONITORING I KOORDINACIJU PROVOĐENJA PLANA				
37.	Ustanoviti Tijelo za monitoring i koordinaciju provođenja Plana borbe protiv korupcije, a u skladu sa obavezom koja za Federaciju Bosne i Hercegovine proističe iz čl. 23 Zakona o Agenciji za prevenciju korupcije i koordinaciju borbe protiv korupcije.	Rješenje o formiranju doneseno jedan mjesec po usvajanju Plana za borbu protiv korupcije Federacije Bosne i Hercegovine	Vlada Federacije Bosne i Hercegovine; Tijelo za monitoring i koordinaciju provođenja akcionog plana	Tijelo formirano; Tijelo održava najmanje jedan kvartalni sastanak u periodu u kojem je zaduženo za monitoring i koordinaciju;

R. br.	Aktivnost	Rok	Institucija	Pokazatelj implementacije
38.	Izraditi poslovnik o radu koji će specificirati rad Tijela za monitoring i koordinaciju provođenja akcionog plana.	3 mjeseca po formiranju Tijela za monitoring i koordinaciju provođenja Plana za borbu protiv korupcije Federacije Bosne i Hercegovine	Tijelo za monitoring i koordinaciju provođenja akcionog plana; Vlada Federacije Bosne i Hercegovine	Donešen poslovnik kojim su utvrđene obaveze i odgovornosti tijela, a naročito: <ul style="list-style-type: none"> – Utvrđena dinamika sastajanja tijela; – Imenovan sekretar i njegova uloga; – Utvrđena metodologija rada, prikupljanja podataka i izvještavanja; – Utvrđena procedura u slučaju da se aktivnosti u akcionom planu ne odvijaju planiranim redoslijedom; – Utvrđene ovlasti tijela u pogledu osiguravanja sredstava za provedbu plana;
39.	Najmanje jednom godišnje izvještavati Vladu Federacije Bosne i Hercegovine o rezultatima primjene akcionog plana.	Kontinuirano	Tijelo za monitoring i koordinaciju provođenja akcionog plana	Broj sjednica Vlade Federacije Bosne i Hercegovine na kojima se raspravljalo o problematici korupcije i provođenja ovog akcionog plana; Vlada zadovoljna izvještavanjem;
40.	Uspostaviti mehanizme efikasne saradnje i koordinacije između Tijela za monitoring i koordinaciju provođenja akcionog plana i Agencije za prevenciju korupcije i koordinaciju borbe protiv korupcije sa ciljem usklađenog postupanja u provođenju javnih politika suprotstavljanja korupciji.	Kontinuirano	Tijelo za monitoring i koordinaciju provođenja akcionog plana; Agencija za prevenciju korupcije i koordinaciju borbe protiv korupcije	Zaključen sporazum o saradnji sa Agencijom; Ostvaren veći broj kontakata, razmijenjenih dopisa, sastanaka i zajedničkih aktivnosti
41.	Revidirati i evaluirati akcioni plan, te inicirati donošenje nove strategije i akcionog plana za borbu protiv korupcije u Federaciji Bosne i Hercegovine	6 mjeseci po isteku Plana za borbu protiv korupcije Vlade Federacije Bosne i Hercegovine	Tijelo za monitoring i koordinaciju provođenja akcionog plana	Urađena evaluacija i revidiran plan; Preduzete aktivnosti na iniciranju donošenja nove strategije i akcionog plana za borbu protiv korupcije u Federaciji Bosne i Hercegovine